

Муфтий ҳазратлари Истамбул шаҳрига етиб келдилар



15:45 / 14.04.2022 1492

Аввал хабар берганимиздек, бугун 14 апрель куни Ўзбекистон мусулмонлари идораси раиси, муфтий Нуриддин домла ҳазратлари Туркий давлатлар диний идоралари раҳбарлари иштирокидаги тарихий йиғилишда иштирок этиш учун Истамбул шаҳрига етиб келдилар.

Муфтий Нуриддин домла ҳазратларини Истамбул халқаро аэропортида Туркия Диёнат ишлари бошқармаси Евросиё мамлакатлари билан ҳамкорлик бўлими бошлиғи Солиҳ Гур ва Ўзбекистоннинг Туркия давлатидаги элчихонаси вакиллари кутиб олдилар.

Айни пайтларда Муфтий ҳазратлари Туркий давлатлар диний идоралари раҳбарлари иштирокидаги биринчи йиғилиш доирасида амалга оширилиши режа қилинган тадбирларга тайёргарлик кўрмоқдалар.

Эслатиб ўтамиз, Туркий давлатлар диний идоралари раҳбарлари иштирокида илк йиғилиш Туркиянинг Истамбул шаҳрида эртага, 15 апрель куни бўлиб ўтади.

Унда Ўзбекистон, Туркия, Озарбайжон, Қозоғистон, Қирғизистон ва Венгрия каби давлатлар дин пешволари иштирок этишлари режалаштирилган.